

大
谷
山
堂
集

大谷山堂集卷三

謝山夢 麟文子

曉行衛上望蘇門山

夜色起松際荒村人曉耕疎林落纖月稍辨蒼蒼
橫如聽竹林客空山吹玉笙緬懷夏峯叟巖岫締
孤清

鄆城楊園

虛砌蟲語歇夜涼開竹樓數星動林際片月西南
流露氣曖深竹池香寒早秋迢迢望河漢莫慰異

鄉愁

渡汨羅江

月出駕扁舟人影在流水微白散煙樹稍辨沙鷗
起浩露下寒臯秋風動湘芷何處弔靈均支頤佇
江汜

雄飛嶺

都隴緣其東春陵迤其西凌陰揖祝融迎陽賓九
疑客首歸陽程風色晝慘淒積霾惑明晦亭午日
已低稜鈎巨石礙壁裂陰林虧入谷墮黯黹上嶺

排雲霓不知天路艱
頰首隨猿猱古木號驚藂
修虵懸空梯恍惚來山魃
投淚不敢啼懸崖納獰飈
天半奔鯨鯢投身罾欹林
顛墜乃復稽棧轉陽景
匿谷響雷車摧絕頂俯萬
有高冠衝天扉蒼梧何
茫茫苦霧迷湘妃如聞洞
庭哭崩濤咽迴谿壞雲
西南來獵獵翻裳衣頓覺
羽翼生大翻盤秋暉咄
哉萬里遊到此真雄飛
弗歷登頓困詎與烟霏齊
周道多庸庸吾行將安歸

排山驛

客行衡陽道連巖阻飛鞚大地出芒角搏沙忽此
弄趨塗就攢架雲氣入荒其谷倒層崖奔峽轉悲
風送陰林漱大壑巨壁忽飛動怪石倏森立奮鬣
厲其衆汝不經媧皇乃欲塞天空褰衣眄鳥道或
恐崩崖中急挾駭雷扑勢逾鄒魯闕於虜巨靈功
殺此天吳縱徒步躡危棧石滑馬蹄重迴環入陰
瘴青霄忽如甕巖影翻蛟虬赤手不敢控茲土實
重險雜種伏深洞圓穹覆八埏異類入帡幪勿事
丸泥塞遠底條支貢不然一夫當恐妨萬民用觸

懷巡巉巖誰軟兩脚凍

黃茅驛

陰飈逐行客沿緣入雄嶂巨靈跂左股朝暾不敢
向重氛吐斷齟洶波肆鼓盪蠻雲泄炯碎靄靄眩
炎瘴前巖怪禽墮塌翅愁不颺茲山亘衡嶽重厂
作屏障千里縮硤礪萬里蓄倜儻餘怒不可縹全
力忽然放斯須吐鉸鏑鬱屈無不鳴蹇蹇獻倮僂
牢籠出天匠盱衡倒硤怒肩夷壁角抗聯駢鬥凹
凸指拇捍不讓攢戟揚高天傑出各神王大明如

可于岱華不足長祝融配朱鳥攀附亦云妄硤砢
拔地軸咄嗟汝何強苔髮龍髯張龕石豕腹脹趨
嶽前屢迷賈勇後已忘怯方呂梁倍險擬蠶叢剏
卽境憶素履冥漠或予相

黑石關

亂山如斷鼇指爪出奇力意外貢盤錯尺路無寸
直破荒搜棧齷齪鑿空露鐃刻朝塗趨營陽日晏不
遑息瀕洞昧昏曉惕栗忘晨食筭箐四山翳縮足
意惶惑林礙天空高雲入地底黑嚟巖斷行旅亂

石作人立百千躡奇鬼搖動不可測峽崩綫空出
谷顯鐵壁塞高步非無能乃受傾崖逼奔鯨攫驚
磨獒獠磨牙集毒手將老拳蠻觸汝安極長風摧
石林老檜不肯折鑊中殊錚錚駭此獨行客逕絕
狻猊爭硤門日月窄頽垣出雲棧梯石足屢側稍
辨墟煙高喜與蒸黎卽努力赴周塗理策鼓登陟

祁陽

山風休無時游子面如土飛廉戰坤軸白日播大
鼓履險奔轟霆蹈石怒虬虎一喝三日聾迷塗不

聞語紆巖出纖路磬折接肩股蜿蜒春蚓蟠蚘蠕
潛蚪舞造物逞奇變逆塗無順取突兀瞻前山詰
屈墮深塢就昏垂巖吞出霧懸崖吐問途遭千盤
直上無數武荒山晝冥晦急峽走暴雨風瀑競奔
豁巨石扼其阻憾空出全力飛點勁如弩時平弓
箭手豈茲練徒旅流急澗亦易格鬥復奚補石滑
舉足艱顛仆十或五輿臺血被踵屏翳爾何苦哀
哉此憚人誰爲告府主抱鬱睇孤城荒烟動遙渚

巾紫峯

赤燁鎮熒惑轆轤茲峯尊俯挹鬱冥氣仰穿瀕洞
垠飛霞盪石壁先曙迎朱曦羣峯猶未開濃霧高
巖吞峩冠朝祝融玄穹矗華軒紫蓋揚高旒玉節
凌天門近迓石困秀遙見朱陵躋湘光動絕岸波
嚙龍鬣喧陰火翻赤波澹澹層厓昏咄非血馬祭
誰雪黃熊冤重雲隱缺月跟肘徒蜿蜒玄籙逝岫
嶠孰獲探其原衝飈振飛瀑萬峯如欲奔靈秀吐
崇岫黥黥雲旗翻龍呌雷動壁虎憾松出根覽幽
怯恍惚肅忱攝精魂炎荒足妖怪日暮憂思煩稽

首脊牲璧永荷蒼天恩

巖關

傾身投蠻烟晚墮礪邊石長天不遑大陷此鐵色
壁頽風壓高雲倒入兩崖窄雙峽忽搖蕩孤光屢
闖闢積氛旁觸熏沉陰倒來黑中惑濃霏彌外炯
寒日白燭龍吝明作萬古不盈尺嗟哉巖下松幾
獲見天色跼步虛無底灣澗慄征魄俛穿太陰窟
近昵饑蛟宅嚙噬積龍蛻含飴散狼藉斗壁盤死
樹雷車乍崩折長虵巢其巔磨牙伺行客生命屬

皇穹我豈卽雞肋怪禽驚炎煙層巖墜石核含沙
飛崩崖畏彼山鬼擲俯仰辨高墉安得厲雙翮
首趨崇岡行李出深墨

黃沙渡

陟巘怒豺虎理櫂驚黿鼉水昏峽黯黯岸轉江滔
滔層厓夾危浪終古風怒號白日忽欲墮蒼穹頽
不高老湫怒龍拔沸窟高鯨跳無乃長黃虬擘石
喧其曹錯磨擺坤軸雷硠掀空霄捫怒鬱不息石
悍水亦驕天蕩网象匿雷轉驚鷁逃青鵠動如葉

顛仄危屢遭噏歛黑水立疾溜無停橈高拍虛空
巔忽墮蛟堂坳懸淚對舟子轉柁恐不牢一決赴
洶湧魂悸中怵怵恹恹認歸岸峽壁猶動搖喟彼
行旅徒我何如鴻毛

所翁畫龍歌

火傘張空地流血澄懷堂中日不入壤壁頽雲倒
脚垂迴光陷屋滄溟立倏忽滿堂堆礮車尺木震
盪霹靂加翻身擺雲雲欲動怒決髯霧張其牙君
不向潭上居亦不傍巖間住那見蒼龍挂江樹僧

繇蛻去道君俘如此好手安得數想見戲水時騰
趯之罌東天精黠從以風掣尾撇波大海沸電
眸欲轉雷當胷奄歛騰空驚八極吹噓大漠烟濛
濛流氛下合森欲落揚顙萬里蒼旻空所翁見龍
不見畫昉眙陰天動靈怪意造波翻浪湧閒渾疑
香海層霄隘歸來閉閣慰驚魂真神逕與蒼精會
冥心索龍龍出空意小無內氣無外解衣大潑墨
畫龍兼畫雲驚飈不可貌雲堆坌湧行以神天綱
地維忽冥晦撇捩六合揚沙塵驅龍入筆真宰怒

睥目大厦知誰瞋粗風疾點萬木動或恐搖盪虛
無根葉公見之定不好循牆而走號且巡何當挂
汝在天半世間鱗甲徒紛紛前宵夜黑驚暴雨毋
乃此龍破空舞定佐玄穹沛雨膏豈卽窮年伏環
堵不則筆墨亦人事何以靈氛日吞吐卽今炎熱
安得移榻置其旁看汝張鱗奮鬣生清涼不然囊
封笥貯藏亦得夜深恐有雷破壁

晨發董家堤遂趨河上

白日麗寒浦凍木羅堅蒼元冥入澤腹濁水無波

揚策馬遵荒村北風吹我裳寒氣鑱馬骨舉步多
踉蹌躊躇顧四郊長空煙茫茫野兔追其羣寒鳥
飛且翔物類良有儔獨客遙相望感此不可掇使
我中懷傷

艮嶽

驅車夷門西寒衢徹前導截嶠瞻崇岡披展得遐
眺仰睇接混茫俯視判荒徼長飈振叢薄荒墳鬱
以繞墻垣自摧塌陵巒乏奔峭獸脊纏蒺藜筠木
翳餘燒糾紛壞道錯倉卒怪石倒畫桷今殘薪頽

邱昔仙嶠高閣何崢嶸金碧尙昔肖猶有兩洞門
頗具靖康貌懷人攄舊愁弔古軫新悼憶昔重和
先取民類竊剽龍舟挽吳越衺服被窈窕木石及
榱棟搜剔惟所好飾宇本怡身傷民乃誨盜含涕
棲黃龍繁華詎誰料我來惟蒿藜不復辨井竈廢
墟動今悽峻宇憶前妙林空瓦礫攢日暮鴉雀噪
狐狸出復沒索羣夜深叫感此坐太息酸風不可
嘯

西郊

燕居乏愉樂昧旦游西郊西郊不可極萬里巖風
颭沙色入天際霜氣飛衢交不見山與河荒磧周
荆蒿元雲路塵暗白日寒天高行旅循其儔結念
違所遭內求理則歉遠懷情已勞引領佇寒陸積
惘焉能怡

元夜飲西堂

開歲重幽憂羈懷自騷屑良夜臨西堂慨焉眷佳
節微風揚輕寮灑然入清雪勞生屬多感暫此開
樽悅且識杯中情莫道曩時別頗憶家人歡燈火

東齋設開筵聚弟兄臨觴有人說

暮春四日發汴

戒旦飭行服駕言游鄴都獨客慮多忌未去意已
孤出郭眄平郊荆棘羅荒塗倦鳥西北翔離獸東
南徂望雲辨京邑中情何由攄輾轉歧路側黃塵
盈征襦我僕亦已痛我馬鳴踟躕畏此平生勞遂
盡賤子軀

渡河

晨發大梁城午過黃河疆崩奔破天走萬里孤煙

長昔踏黃河冰今渡黃河水長堤飛輕埃大梁何處是大梁何處是輕埃飛不已

大風行鄴都使院作

四山呼洶風力強風鳴動地聲雷礪萬竅怒號土囊裂奔飛斷梗摧枯楊鄴都使院太蕭瑟飄風夜作人倉皇圍牆老樹三十鵲所宅樹憾風急遂使雌雄叫嘯紛搶佯雞鳴起視白日晶無光棚戶紙裂掀播亂與風低昂古檐時抱覆壓懼沉乃東隣適復喧頽牆頗憶兒女在京國閒陪鶴髮歡春觴

昨封文錦獻我母寄兒恨乏花綰雙朝來風起兒
應涼爾父念爾意悽絕家貧值此誰辦厚薄添衣
裳是日取十拔其良巾履襍還東西廂筆墨動搖
紙窗破騁妍抽秘無乃違其常我居大廈尙愁涼
生乎何以颯颯揮千行安得天帝遣風伯驅風出
塞天容蒼與我相對春風場春風吹帷澹相忘

老生歎

老生低首來庭隅兩脚蹙躄扶將須龐眉深目雪
髻鬚上階升堂褰厥裾意恐欹側顛其軀噉嚙欲

語三踟躕生乎何事無乃有所需拜跪起立聲淚
俱自云八十生羈孤儒冠五十三年餘此身遂使
儒冠拘傾心一第緣則紆日月乃與予乎徂眼昏
書字形模糊鄉人不辨魚目珠但重賢序輕賤夫
欲退恐遂餒石無進乎何以掉尾超泥塗使君二
十冠蓋都坐垂絳帳光縈紆使君於我同寒儒使
君何易生何辜自分望絕青雲途使君讀者非異
書一水不渡其天乎拜跪起立聲淚俱生乎爾勿
悲嗚嗚青氍黃綬無差殊使君雄飛爾則偶雌伏

使君所得浮雲如爾亦蓬戶端其趨生乎爾勿悲
嗚嗚九閭虎豹不可呼嗚呼九閭虎豹不可呼

贈桑子三首

鬱鬱牆下潦化爲天上虹以彼積水氣下乃干青
穹居高詎無色隱現隨長風卿雲麗日月紉縵遐
陬同靜蘊域中氣出爲王者容出處各有致寧復
隨蒿蓬

持璧訊田叟有不如礧礧投石索重價舉市相押
掄風雨偶相失遂乃天一隅君子返初賦小人忘

厥居玉石自有真不因識者殊但當慎其常無事
游五都

輕颺被山趾草木皆有聲聲豈草木性萬物各有
情桑子得天籟振響追咸英風雨自激盪金石相
鏘鏗含意寫初旨弗聞俗耳驚由來鳳凰音不與
鷦鷯鳴

比干墓

馬鬣松楸合連山走大荒沙塵存氣骨天地久低
昂落日寒朱戶靈風冷桂漿不須傷彼黍心可見

大谷山堂集

卷三

三

成湯

湯陰岳忠武祠

啼鳥徒聞喚奈何君王久已厭揮戈
紫宮宵冷銅駝夢碧血秋添鄂渚波
三字一經稱信讞六師不復望爭河
可堪遺廟烟荒裏無數昏鴉響暮柯
松檜蕭疎萬木森長廊朱戶碧苔侵
泥封一夜收邊甲朔漠終宵望越禽
父子渾忘烏哺力君臣勞唱白頭吟
悽人不獨錢唐水五國城邊暮暮心
官家尙不解仁親七尺空悲嶽降身
糠粃業看忘

彼婦股肱浪說惜斯人格天有閭旌姦相返日無
戈効盡臣千古英雄同一哭我來惟有淚霑巾

衛州校試畢遂抵百泉

微棕契岑寂雅懷慕登眺夙眷百泉游頗憶蘇門
嘯攬勝憩塵鞅遂果游歷妙遠煙澹春影長林蔽
山貌雲行蕩空鏡樹杪翳餘照逶迤游儵閑清淺
新蒲冒巖翠靜芳潭澄波動仙嶠杖策聆潺湲停
撓眄奔峭煙水締新歡輪蹄蘊深悼遙憶山中人
幽懷協高蹈佳期何時敦拂衣謝同調

薄暮登清暉閣眺望

晚登池中樓閒眺池上山草樹炫夕麗煙靄浮青
鬢微風從東來披襟爲盤桓偶然襲蘋藻練影生
輕瀾搖曳動窗戶人在空明閒始知元化妙及此
半日閒無心得良晤寓目情所關白雲出山去日
落何當還

晚步泉上

山氣生夕涼林端月初上余行適無事偶此飫新
賞池涵宵影虛魄濯露華爽高閣臥澄鑑波動微

偃仰宿鳥驚流泉風葉遞清響夜深松竹香翛然
拂衣杖時逢樵采歸村謳忽三兩長歌懷古人晤
言發深想

白雲寺

曉發蘇門山晚憇白雲寺晨暉辨朱樓亭午行乃
至車輪輒犖确磔迭軒輕檜栢晝晦冥叢薄鬱
深悶時聞風入松灑然落清吹遵闌步幽澗雲構
妥布置楂枿老樹醜嵌空怪石墜有泉出樹杪噴
薄不到地跳珠落圓鏡喧靜源不貳境古塵貌銷

谷邃日容避其巔開華堂佳木森靜植煙雲倏爽
朗巒陵雜虛翠山春釀暄和苔繡簇鮮媚乃知林
壑妙明晦各有致暫覲舒遐悰重來締餘思無煩
歎于役了悟靜者意

沁河漲

天波靈靈闌風長沁河水涌一丈強山水逼河河
水激馳突怪石奔牛羊懷州夜半萬霆鬪洪聲浩
洶隄隄防濤翻浪吼大堤決衝屋屋塌墻圯牆富
室沒倉困貧家漂糗糧猛激壑松禿橫灌田禾荒

東家攜孩稚西家呼爺娘蒼茫未識天地意夫挽
妻袖牽兒裳傳聞澤州水更大冥冥暴雨連宵墮
沁源村戶數千室十家遭水死五個時見浮尸逐
隄岸半日已閱數人過攬衣頓足呼蒼天河伯不
仁民實瘡府吏報監司監司報大官大官連夜來
騎馬巡河干雞黍雜瓦礫按視潛辛酸批府發倉
廩批縣分金錢封章奏 陛下施濟科條頒明旨
勅大吏撫恤籌民艱停徵歲賦空給賑白鏹分救
災偏全瓦屋一兩茅屋半丁男計口官徭蠲闡澤

豈不重民命果否卒歲離饑寒況復一七一箸民
力殫嗚呼室家再造良復難

循山西南行宿北壁小閣放歌

太行三日送我行叅錯萬派羅虛明迴旋起伏突
奔峭鸞翔鵠峙標仙薨今晨近山覲山奧深藍淺
碧丹黃青磨礪空翠出千變似娛我意故遣窈窕
來逢迎何人置此數椽閣與山曲折無經營招山
欲來拂鬚髯時有雲氣倏歛窺簷楹我本愛山兼
愛雲愛其紆迴叅錯無相傾佳處非山非雲亦非

閣妙會適與雲山并卻憶昨歲入西粵城東峭壁
排青屏當崖一亭特孤絕煙霏歷亂縈冠纓雲山
不復異南北轟聒但少干雷霆彼旣無期此無約
偶然得耳非前盟我聞退之禱衡嶽掃除陰翳開
崢嶸東坡廣德祝雲海霜晨海市千人驚二公丹
誠感神鬼天憐遷客施元精我今不禱復不祝坐
收萬象澄孤清登臨豈不憶鄉國一身已逐飛鴻
征世間萬事本無主當盃一笑諸緣輕君不見雲
山變幻不可恆放歌且慰雲山情

檢沁樓宴歌

懷州太守古召杜試畢宴我檢沁樓座吞山色束
河勢雷驚電掣銜奔流濤聲入樓樓欲動廣陵八
月翻高秋當筵大嚼復深酌清譚快論凌滄洲花
枝拂醖動琥珀歌聲出戶驚鳬鷗牛飲直欲蔑李
白造樓誰復煩糟邱長林日落光婆娑酒酣耳熱
憂思多醉後劇憶日前事憑軒況乃凌顙波安得
十日之日暴其勢沿城無復洪濤過賑周村甸意
已盡及時續種知如何君不見東南其畝稼與禾

高墳潦退莖穗羅卑壤浸漬猶盤渦河聲昨夜奔
前坡

河陽薛氏園亭

日暮河陽縣來過薛氏園竹光分罨畫林意靜黃
昏碧沼青萍合高樓古木尊鄉心拋未得愁夢故
山村

行盡蒼苔路高齋暮色晴一花如有意數樹不知
名排闥書堆案開軒水抱楹小池更幽絕煙水晚
逾清

池上須頻立方塘步屨遲魚情狎輕藻鳥影挂深
枝綠醺臨風酌青編帶露披松陰有涼月繩榻數
教移

欹枕臨池睡招呼得晚風帳鉤花影外人夢月明
中意愜幽懷澹神閒客慮空來朝踏塵去更起步
深叢

孟縣早發洛陽道中雜詠十二首

弓衣小隊詰朝閑岸柳風吹宿霧還卻訝樹頭紅
日出隔河青見洛中山

城外韓莊數里遙墓田松柏晚蕭蕭輪蹄恰是匆
忙甚未泝靈風放小招

文公墓在韓莊距城數里

花縣晨征霽色和揚舲十里截驚波惡風白浪渾
無恙十尺蒲颿過大河
青疇雨足絕纖塵楊柳風輕似暮春樹樹綠陰吹
不散亂蟬聲過小平津

古瓦長松暮晚煙高歌空說中興年金鐙石馬無
消息日暮寒林拜杜鵑

漢光武陵在孟津道旁

曲澗榮迴上北邙斷煙古木野蒼茫殘碑覆地烏

大谷山堂集

卷三

六

啼樹一派平沙落照黃

寂歷荒郊向晚過道旁高塚鬱嵯峨珠襦玉柩三
泉冷月黑楓林鬼語多

東南山帶落霞晴綵嶺風煙潑眼清鶴駕不來巖
草綠月明何處聽吹笙

面面青山是洛州黃塵無際碧波流荆榛不獨銅
駝恨十里寒蕪冷似秋

紅樓紫殿已邱墟寂寞孤城腐草餘風起野棠花
滿徑苑牆蕭瑟憶羊車

向晚愁生薄笨車路長襟帶半塵沙洛陽舊是銷
魂地怕唱城東桃李花

意倦翻憐作遠遊挑燈懷古足深愁一絲斜挂天
津月橋上憑誰造酒樓

晚赴新安作

日落巒壑清人家住叢竹微風生夕涼輕煙滿函
谷驅馬行空巖雞棲任起伏離披山下松嘯薄巖
上瀑細棧縈毫髮清音動琴筑驚聞墮巢鳶啁啾
類野哭游魚下深淵飛鳥攢叢木物情各有歸余

豈昧幽獨登高望洛城天清夜景肅咫尺阻修延
沉欲千里目駐馬立寒飈尋閒話童僕

澠池

浩蕩義昌驛蕭瑟澠池縣樹帶夕氣昏波動餘霞
絢斜光照村落邱墳遞隱見林轉遠岫移煙薄孤
城辨伊子入塵壤車馬未辭倦維皇曰往哉日
息不遑晏守己理則宜出門意已慣豈曰我獨賢
靡已覆公患及此關塞長頗厯歸途戀棲鳥出暮
巢驚飛復相喚慷慨臨長風駐馬憶親串

盟臺行

闌干十丈闕雲紫繡幔珍襦映秋水竹啼蘭笑桃花春趙王鼓瑟秦王喜秦王色喜趙王弱操縵揮絃清響作風迴夾帳拂輕塵日入琉璃動深酌邯鄲從者何爲乎扣鐔拾級來何粗長跪數語當筵趨趙王不語秦王作四筵忽聽聲嗚嗚

二陵苦熱忽大風雨作歌

二陵之熱不可當毒煙撲地蒸羊腸火雲當空日杲杲流金萬里飛炎光與儻喘喙走且僵呼風不

來動毛髮蘊隆作氣屏翳藏俄誰推車煩阿香頽
山雲作風力張氣到已覺濡衣裳雨點如掌不可
捉迅急不復容遮防曲澗曛黑神徬徨雷翻電繞
萬山晦呼呶叫嘯聲頽唐無乃山鬼羣跳踉不則
秦卒鬪死北陵下天昏號哭魂披猖須臾風息雨
亦止涼飈拂袖氣清駛眼下寒暄固如此

弘農秋懷

澹煙荒草足吾廬日隱孤城歎索居紫閣夜深驚
獨雁黃河秋冷夢雙魚邠生薄宦終成擢宋玉微

辭欲著書擁鼻行吟意惆悵西風鷓鴣渺愁子

樓上秋光入望多關山極目奈愁何二年蓬跡餘
孤劍一夜霜風走大河古堞暮笳悲落日亂山飛
葉激頽波故園楊柳應蕭瑟誰向章臺跋馬過

直北褰帷望帝鄉長空不盡野蒼茫山連熊耳關
雲白天澹鴻溝朔氣黃畫省舊瓊清夢斷水曹新
句夜歌長祇今慘綠渾非昔落日驚風淚數行

家在東華東復東桂堂樽罍興難同引觴刻燭歡
諸季射覆分曹喚阿戎斷梗漫辭燕市月披襟誰

天谷山堂集

卷三

三

共庾樓風可憐寒漏兼長雨獨倚危闌數斷鴻
萬柳塘南小市西周遭秋水滉玻瓈風颺錦纜魚
吹浪月滿金鷗草被隄一自浮蹤汎萍梗幾時清
訊託鳬鷺川原蕭瑟長河急薄暮孤帆自解攜
苦憶窮愁高達夫劉盧家世一嫌無夜深華月供
詩句山曉晴窗對畫圖自古畸人潛戶牖那堪秋
色滿江湖東華萬騎人如海莫便烟波作釣徒
日莫懷人黯客魂虛堂獨坐又黃昏煙生孤島迷
秦樹浪逐驚沙過禹門折簡欲招千里駕開窗誰

與一尊論江東渭北無消息自擁青綾慘不溫
山館飛鳥逐隊來長空孤鶩影徘徊疾風拂柳絲
絲脆老樹當窗夜夜哀一枕夢迴濤八月百年愁
付酒千杯不須扼腕嗟搖落恐惹新霜作鬢回

陳洪綬九歌圖歌

天門蒞獵翻秋飈翠旂孔蓋驅獰飈雷轅高駝翠
曾下如雲絳氣趣鸞鑣水車桂楫現恍惚荒濱騁
鶩凌寒鼉空桑撰轡雜瑤象紫壇不動嵯峨高湘
纍汨羅慟謠詠青鸞臯鳥嗟同巢蕙荃化茅鳩鳥

大谷山堂集

卷三

三

訴菽施蕭艾紛盈腰蹇修勿顧夜猿叫靈氛不協
巫咸招傳芭會鼓驚遐異目成幽怪相招要大江
揚靈集龍駕丹鉛俶倜窮煎焦琳琅玉珥青霞交
姣服繁飾雲中翔皇靈遠舉褰龍綃周章壽宮何
爛昭二妃凝睇攜蓀橈飛龍翩翩顏若茗芙蓉寂
寞夫君遙思君不來中鬱陶九坑髣髴馳雲梢東
君乘雷河伯遨天狼哭矢哭山鬼殤魂毅魄羣奔
跳怒靈鳴啾百怪集霧昏壞壁顛風驕龍堂纏瑟
水蛟立朱噉不出雲生坳投袂遺縹降晡靄青螭

赤豹當天號扶桑匿景荔帷晦彗星十丈橫丹霄
靈衣偃蹇詆蕩下鬼物撇振牙鬚豪顧子要眇降
忽逝陰堂白晝迴羣施玉佩鏘鳴八琅奏風櫺三
日聲嘈嘈老蓮母亦悲媒勞神君鬼伯供爬搔楓
林月落暗蕞桂窺檐颯還來山魃九嶷高高洞庭
濶敷衽便擬麾雲靴蘭鞠終古永無絕叫閻誰躡
崑崙尻揚枹送神夜天黑墨雲墮地翻靈旃

大谷山堂集卷三

大谷山堂集卷四

謝山夢 麟文子

登樓行陝州使院作

七月流火疾弗瘳十日不上西南樓今晨風色清
且柔憑欄聊作凌風游樓中几榻窗戶幽樓外巒
壑縈沙洲中條條欹雲氣收萬尖突兀撐高秋寒
樹依微辨平陸炊煙點點微波浮黃河一線東方
流抱城北走寒悠悠誰家挂席乘扁舟流煙落日
不可留雲山緜渺生遠愁夢魂昨夜歸蘆溝歲聿

大谷山堂集 卷四

云莫心百憂今我不樂日月適當風一嘯翻輕鷗

晨游雞距山

上有河上公舊宅

東裝河上遊杖策雞距頂逶絕沿青山空林踏人
影平野開天光蓬門闕深景清響振寒葉晨暉散
西嶺雨霽松色深風肅荷衣冷延迴挹高蹈空冥
認煙艇悵懷鸞鶴羣索居發深省

發陝過魏野草堂作

晨出城東門策馬初曜光微徑入層麓厥巔留孤
堂夾道多喬柯石磴緣高岡雲構面峭崿竹樹紛

琳琅秋色落平野草木涵清蒼圓沙起寒雁平楚
暄浮陽巖居旣采阻松風何悲涼君子貴用世道
蘊形亦藏理閱懷抱熟跡與鷗鴻翔循簷辨井竈
彷彿清風長攀林酌杯酒感激銜中腸

早發硤石

客愁如飄蓬隨風遍秋草飭服羣鷄鳴驅馬荒山
道宿霧眩猶積殘月悽已顚露湛枯芟明徑白空
巖曉沿轉眄平阡惆悵獨飛鳥無乃非故枝踟躕
出林杪出林亦何之游子中如擣忽憶密縫衣臨

風黯懷抱

古詩二首寄都中知己

步上城東臺蒼莽孤煙多長風吹輕雲倏忽離山
阿西望多蒼山北顧臨大河長空蔽昏景巨水揚
洪波去者自不息日落當如何我欲喚古人話此
中心嗟古人不我作涕下襟滂沱

富不須金玉貴不須王侯匹馬謁親戚杯酒歡朋
儔而我獨何爲浪跡南雲陬日暮臨高臺千里黃
塵浮微茫辨井邑奔走連墳邱舉首望故鄉落日

風鳴啾高者爲山岳下者爲川流那將一寸心抱
此終古憂好識在鄉樂日月其未道

題陳髯畫松障子

陰庭白日生精怪炎天六月氣清快急雨驚從古
壁翻陰飈欲撼檐牙壞恍惚天都峰已到峨嵋山
迴溪絕磴氣颯沓長空謾謾耳畔彷彿奔驚泉髯
也畫松不畫貌冥搜遐鶩窺天奧意象雷驚電晦
時凌空推出蒼龍倒凝精閉戶二十日松濤驟起
髯落筆淋漓潑墨風雨疾橫榦直榦眞氣出霜株

離立色慘慄精芒四達鬼神入目斷晴崖晝霧昏
魂驚素壁空堂失下枝拂苔石上枝擎蒼穹大枝
勢倔強特立煙濛濛孫枝稊擺噓迴風北軒磅礴
意凜冽陰森直欲無真松髯也招我來東堂沉冥
卓午煙蒼茫好勤愛護秘什襲或恐雷公下取掀
重牆況值朱陽暘熱遍行旅安得持此蔭庇一洗
煩潯歸清涼越禽代馬嗟殊向不見髯翁對髯障
雨濕奚囊意屢淒風迴角枕神空王若耶溪水香
爐峰知君處處扶青筇好將赤縣滄洲趣來寫塵

埃冰雪胸

新安坑卒行

嗚呼人世殺機真慘絕二十萬眾喪倉卒黃泉無
路排重閭煩冤鬱屈天爲赤祖龍何許歸沙邱義
旗爰舉東諸侯誰提鐵騎揮長矛風雲指顧炯兩
眸指揮萬卒聲鳴啾陰氛晦日寒天愁風吹碧血
生秋草荒郊呼嘯達昏曉君王自有函谷關何與
新婚共垂老長安砧杵萬家聲準量腰帶爲誰好
前年力盡阿房宮今晨骨暴新安道九原愧見趙

將軍肝膽平原任懷抱塵霾晝起黃雲開長林叟
叫孤鴻飛高冠使者弘農來日落駐馬相裴徊新
安城頭暮吹角青燐點點秋風哀草冷孤城氣肅
肅魂兮歸來不可觸不見長平坂汾河曲寒雨荒
榛黯平陸夜深狐兔竄深蒿嗚嗚舊鬼秋衢哭

龍門

龍門形勝天下奇面嵩俯洛中貫伊呀然兩闕森
角圭每以風雨爲合離連山欲暝雲封之朱樓突
兀青峰基松毛石髮相倒垂蒼麟萬本蟠之而如

龍出淵半藏霧時露指爪頭角遺西巖石洞鑿者
誰班班刻畫紛蛟螭蠻君鬼伯熊熊姿前驅虎豹
羆與狸或瞠目視豐兩頤一燈孤炯懸琉璃長衣
侍者低雙眉如笑如慕如深思造福乃復暴民力
婦人之見良足嗤洞爲魏太后作功德造感此太息一長嘯
半空響苔巖谷隨畫船簫管不可期撞鐘伐鼓相
娛嬉鏗鉤澗壑萬霆怒山靈恍惚翻雲旗誰分玉
鏡澄階墀千珠跳擲紛漣漪動蕩窗戶搖緹帷山
巔一亭最孤絕攀捫蘿葛中忘疲對崖石徑何逶

迤花宮雲磴留清颺高秋萬態簇蒼媚丹樓紫閣
青空披山水映帶乃復獲真趣去一坐失天然姿
始知造物位置得天巧俗手點綴能爾爲去年
仙蹕曾駐此顧眄草木周恩私至今御榻峙行
殿夜深神物煩護持我來瞻拜隨鳬鷺欲雨不雨
天氣迷作歌恐遂驚呆愚矯首北望神先馳

香山寺

行藥來東巖蓮宇締遐慕閒隨沙上鷗識此松間
路捫蘿怯遙磴履石眄前渡延景餘奢忱尋異無

停顧薜荔繁朱門遂果幽勝趣置窗山翠鑿就石
危欄住寒空媚雲景適與孤鳥遇靄靄山外煙離
離山下樹無心與之遭悠然得良晤疊嶂開遙青
長河澹晚素余懷倏已殫目成意先赴廻憶塵市
喧頗霽幽人步慨慷聞鐘聲松桂空山暮

香山晚坐

秋晚珠閣涼青山澹將夕復此巖上佳披襟坐溪
石歸雲拂空林蓊然翳餘碧美人何時還娟娟秋
水隔勞者徒爲歡去矣將何適飛葉響寒山臨流

悵行客

夜自賓陽洞歸宿香山

暮山迢遞濃雲合
良夜維舟傍清峽
停橈覓路濕螢飛
西巖鐘響東巖苔
東巖曛黑門應閉
晚雨空濛濕衣袂
天寒夜寂松風吟
閃閃燈光射窗際
敲門拂面嚴霜重
遙知童僕各成夢
黑甜一枕不知尋
卻趁寒宵踏巖洞
是間清絕誰主人
煙霞餐飽知何用
入戶打火佛燈紅
遠聞石齒號驚風
繩牀一覺睡初熟
醒來獨聽寒山鐘

雨後泥濘夜半赴偃師作歌

日之夕矣嵐氣昏長衢雨作波濤翻旋渦起伏路
崩壞平渠叫鬧鳴蛙喧眾星韜匿萬樹黑山逕犖
确濃雲屯余也策馬東南奔泥沒馬腹馬意怯鞭
之欲動愁翻掀陵巒入眼眩深黑長途舉足資攀
援朝食未舉更入夜饑腸鳴叫徒相捫計程半日
到頗易蒼天一雨遂使跬步膠輪轅傳聞昨日雨
最大波傾浪滾如翻盆我時攜伴宿伊闕山煙漁
火開金樽雲山綿邈我心悅傾罍一洗塵囂煩今

雨舊雨本無異險艱歷盡憂思繁倏忽翻覆那可
料世間萬事難重論君不見長河夜吼驚三門狂
瀾噴薄勢可吞天昏雨激應更聞繞牀啟戶夜恍
惚矯首一乞蒼天恩

時河決陽武堤工未竣

晴赴鞏縣作

積雨增羈枕蕭辰悵冥晦奔走泥活活襟履動沾
穢今晨一何佳空宇乍清淬四野舒澄暉林原麗
藻纈鮮新秋氣出豁達雲翳退日涌披遙丹煙銷
露遐黛俯仰延天光適與嵩高對巖岫矗蒼峭雲

物忽破碎離披萬樹錯岌業一峯背排遣驅宿悰
流覽及新泰始知秋宇空舉目了無礙跋馬心悠
然風塵謝流輩

黑石渡

坡陀兩崖斷嶮絕一峰矗徑石疊深墨鏗鐫動車
軸長河乍北轉迴巒忽東逐川流靜澹沲巖木鬱
森肅暎空泉石迴拂馬松柏禿迴顧嵩高山崦謁
波上綠秋色從西來蒼茫入函谷是時秋雨餘萬
象出新沐空宇淨如拭芳萸藉文轂危葉雜鮮麗

方名山堂集 卷四
燦比朝繡簇煙起樹若冪雲歸岫疑複及此風日
佳輪蹕忘碌碌問渡立夕陽人語驚鷗宿

鞏縣夜起

時代有變易客愁無古今披衣坐清夜肅肅堂廡
深開軒滅明燭華月懸高林皓露忽已零微風驚
棲禽旅雁何方來叫雲悲我枕連行過東北無乃
非鄉音客遙乏近想慮集渺信心已怯樓上笛復
此風中砧含情歲云晏恐遂霜雪侵

虎牢

層阜排秋障雄關逼虎牢馬驚行棧窄雲出斷崖
高海日明朝岫林風撼夜濤洛東三百里險絕是
成臯

廣武原

秋高廣武原日落斷雲奔天地一龍鬪風塵千里
昏平砂生朔氣殘壘駐征魂撥馬尋遺跡荒郊戰
骨存

風穴寺

夕日下空翠晚煙沉薜蘿涼風動松竹秋思空山

多人影散林隙經聲流澗阿那堪同落木挂頰一
蹉跎

今年別

前年別淚填臆卷舌入喉啼不得上有白髮母下
有扶病室忍啼作笑笑無力出門三日不能食今
年別苦復苦出門無慘入門無主不見我母送我
但見兒女盈前淚下如雨我無母憶我無旅爾無
母憐爾無所提攜保抱恃爾父父去誰與慎寒暑
爾伯爾叔善覲女嗚呼前年別啼不得今年別哭

無力

出郭

結勒發京縣，控轡臨廣衢。
石梁何迢迢，盡此往者塗。
微颺動修樾，濃蔭周桑榆。
林罅辨城闕，曠望延神都。
車輪一以徂，音塵日以疎。
浮雲何時來，胡以明區區。
裴徊瞻短策，聊復留須臾。
日落愁不見，感此中煩紆。

湖梁

客愁本無際，觸境彌生悲。
睠茲去路長，曾不殊昔

時昔來何閒閒王軫相威遲方舟屬清淺並駕攀
華滋今我獨何事疲馬秋風吹修楊夾廣津岫影
凌清陂卽目憶前歷履舊牽悲思沉憂一何長鬱
屈不可持水逝寧復迴葉落難上枝死者悵已矣
生者長淒其

七夕飲酒

素彩流虛檐澄輝鑒疎牖今夕復何夕悵望嗟誰
友仰視雲漢斜露下忽已久一水長迢迢會面亦
云偶相思不相見毋乃多所負懷哉天涯人使我

顏色醜憶君君不知聊復飲醇酒令節而喜懽庶
以永予壽誰能效兒女獨坐空搔首

白溝

客念頗不適晚風生夕波長天隔秋浦勞者意如
何此夜戍樓月虛堂應共多裴徊憐遠影相憶一
蹉跎

月夜與王二坐任邱舍

圓靈麗斜漢檐影澄新陰寥天豁軒霽坐此嘉樹
林清飈若良醫相顧聊披襟林端露已落砌下蛩

復吟如何值佳夕而弗歡同心澹澹絳河直靄靄
浮雲侵卽事獲良晤寓目情已深沉憂亦云昔浩
歌良復今何當攜濁酒共醉無絃琴

登河間驛樓眺矚

曠望延秋暉愁心亘天末浮雲帶遙空流煙遞明
滅天清遠樹微地迴荒垆濶遙望畿南山似可辨
毫髮引領披黃塵彷彿見城闕我懷豈不殫無翼
安可越况復悲風多殊響鳴清樾白日爾淹留慎
勿原上沒俯仰凝青矚離禽去超忽

暮至阜城作

雲歸日西匿夕氣迷孤城招搖帶長薄蕭節愁予
情拂衣遵暮垣淅瀝淒飈生塘清夜林寂月隱平
沙明依依眷清暇迢迢念徂征丹雘謝秋翰朱實
辭春榮榮落亦有常奄忽嗟時更懷哉東堂華燦
燦羅繁英應有憶遠人翹首秋雲輕

過廣川瞻矚觸懷

頽垣矗霄霓塔影凌空蒼霜飛不到地日日秋塵
黃浮陽靜寒郭朔氣湧大荒輕飈吹行雲南北東

西翔人生會有適何必皆故鄉
浮埃幾變滅四顧墟煙長
我憂從中來所悲非滄桑
狐死歸首邱此意猶可忘
日落西山阿烈士爲之傷

晚趨德州行大堤上

輕策行長堤日夕林鳥亂
空靄澹晚暘波光動遙
岸出沒眺寒堞依微隔叢
灌時見數舟行容與孤
城畔軋軋櫓聲出冉冉鳬
羣散煙末塗已卽林際
逕猶轉佇立望蒼茫含情
歲云晏

在平曉發

朝發荏平郭勞人曙啟關煙沉天末樹秋入客中
山節易憐鄉遠雲行較我閒踟躕愁欲絕流水莫
潺湲

東阿道中

征路不可極千峰繞客軒山迴鄒子邑天斷魯連
村落日川原靜秋林鳥雀喧孤城兼暮色俯仰總
銷魂

中元舊縣驛夜歌二首

長河在南斗在北叢樹無人月深黑破柵殘扉不

滿百夜昏漚酒家家哭獨客聞之黯無色欲見邱
隴那可得四年此節在異國但見他人供酒食孤
兒何曾在親側靈不見我應歎息生不能歡祭遠
適父母生我亦何益去年南頓月之日白六來聞
我母卒驚迴淚斷哭無聲仰睇皇天白日失倉卒
翻疑前月書書上平安誰所筆憐兒或恐兒心傷
兒歸更繞何人膝瀕危知復欲云何未親含殮憑
誰說歸來一慟兒今還呼天不應心如割朝來漿
酒陳應同楸梧蕭蕭生靈風五子羅立獨不見靈

魂應到東阿東

我妻嫁我十年半十日啼饑九無飯苦憶嚴冬一
破裳嫁我鬻盡供炊爨年餘飽煖抵幾何奄歛銷
沉魂已斷肝摧隱痛彌留時腸牽兒女淚被面流
連知爾意無限到頭何日重泉見月來數女知何
如淒飈淅瀝吹裳裾朝攜祭榼緣青蕪秋墳呼母
母則無覓爺中夜聲嗚嗚

項王墓下作二首

陵闕咸陽變君王尙有墳起緣殺卿子死亦伏諸

軍朔氣生殘碣秋郊駐斷雲慟君思戰事拄策立
斜曛

灞上前嫌釋東歸亦可休如何返翁媪遂使失鴻
溝一馬嗟公賜千金漫若酬傷哉時不利涕下野
花秋

棘成

驅車入亂山朝日翠微間寒澗不成響孤雲殊自
閑天明秋草色客老壯夫顏聊可遲予步沉吟碧
水灣

東平

嶮然山忽住寒郭見東平積水生晨霧層煙繞郡
城天隨羣嶂斷風逐亂雲征蠶尾嗟何處蒼林面
面橫

夜宿高橋

庭樹響忽振天涯知己秋檐端數螢沒檻外一星
流雨氣寒生枕鐘聲遠到樓鳴蛙莫喧聒征客未
停騶

饑鳥行

饑烏朝饑啼啞啞踉蹌下啄田間麻麻乾無子食
不得從風入息西家室西家顆粒溢倉積陳因零
落散堦砌老公呼雛雛啄粒喜鵲楂楂下來食饑
烏啟喙鼓我翼兒童見之怒顏色拾瓦打烏不許
喫不許吃循牆飛雛鳴鵲噪誰同我饑我無子哺
逐我何爲烏啼非憂鵲非喜此身作烏豈得已

王將軍行過汶上彥章祠墓作

太原城頭千老鴉東飛大漠啼黃沙晉陽王子子
勝父捧矢告廟拔刀舞十萬健兒猛如虎日出河

心插大鼓鼓聲闐闐朝入雲大梁夜遣王將軍將
軍意氣一何勇揮戈叱天天欲動十盪十決當者
誰同趨鄆濮來援稀雲浮萬騎闐來追裴徊驚馬
空鳴哀與皇帝戰十年哉梁唐朝暮生焉爲不爲
我用爰斬之如公之死死豈多爲朱三死如公何

東郡道中雜詠十四首

凌晨車馬去閑閑掩冉村炊列岫閒黃石青松各
無主斷雲零落穀城山

二十封章迥不聞可憐衰草被秋墳鳶肩火色誰

相識拄頰寒原哭馬君

下筆君王自有神才分八斗語何新芝田寂寞微
波冷蕭瑟憑誰賦感甄

征輶輶輶復班班一棹空明荇藻閑日暮雲旂更
何處晚煙涼露冷魚山

迢遞青岑暮靄橫晚風淅瀝喚愁生斷蛩寒葉秋
無數不耐空山更梵聲

東樓何處古城隅有客銜杯歎逝駒桂楫沙棠意
無限夕波明滅蜀山湖

日暮風吹杜甫臺荒城孤嶂夕陽開石門煙澹秋
無色潦倒誰傾濁酒盃

獨客秋心滿綠蕪波光巖影過中都違山十里音
猶在支枕殘陽聽蟋蟀

畫堞霜濃宿草荒巋然誰識魯靈光南樓一曲蒼
林晚古道人稀禾黍黃

籃輿朝發雨冥冥輿外蒼巖儼畫屏沙淨溪寒襟
袖潤鬚眉都帶嶧山青

青山萬點迥含愁處處寒沙漲淺流行近界河將

百渡濕雲草草不成秋

嶧山送我將百里澹靄朝嵐儼碧紗卻試筍輿入
滕縣寒郊寂歷舊時花

日暮來過古薛城笑君彈鋏亦多情窟成覓自娛
安枕誰與先生說令名

白鷺輕鷗隊隊還遠峰如黛碧波間行人跋馬緣
湖去直到彭門總是山

彭門懷古放歌

黃河之水來向東破天萬里趨朝宗呂梁欲下汴

泗合彭門突兀當其衝千牛萬杵夜霆激亂峰攢
架蒼天窮重河疊障接樓櫓當年建樹驚雄風阿
房一炬蜀道絕庀材聿起彭城宮歸來錦衣炫清
晝丈夫如此亦已豐指麾將卒裂疆土飛揚不復
憂關中崩摧山嶽氣何震嚴城夜報咸陽烽泗上
亭長那可信一杯猶願分其公鴻溝以西作誑語
片言直欲欺童蒙拔山蓋世雖不逝虞兮數語傷
心胸亡我者天帝天授負非爾罪成非功楚山日
落大河哭徒令終古天懔懔寄奴纖屨一無賴飲

酒博塞殊凡庸時來邁會學揖讓蹈襲前軌將無
同中原陸沉仗戎馬揚鞭徙倚秋空虹九日崇臺
作公讌一時賓從驚猶龍謝公仙去孔令死濁漉
萬載聲撞春抗懷興廢數行下誰能更憶張建封
巖疆坐鎮乏奇績乃緣婢妾傳其踪閨房塗抹亦
細事悼歎女子非英雄毬場千步半菅蒯縱橫險
句煩誰攻城上高樓孰所建玉局仙吏峨嵋翁一
麾出守過梁宋登樓作賦聲摩空儻耳惡厲不得
死天教指爪留鴻蹤日暮靈風動軒檻夜長寒笛

疑相逢我未三十意刺促踟躕陳蹟心則忡跋馬
南馳二十日秋高獨挂長天篷後無來者古不見
塵煙霧靄相冥濛扣舷獨立莽蕭瑟驚砂坐振翻
孤蓬作歌長嘯去如矢風生颿腳驚飛鴻

輿人哭

輿人迸淚悲嗚嗚嗟呀喘喙鼓嚙胡舌乾口噪哭
路隅爾獨何事中煩紆輿人仰頭荅欲語聲優喑
自言祖父曾攻儒孤兒生苦身無襦行賈收瓜販
齊楚兄嫂不可與同居去年報名銅山縣負戴趨

大谷山堂集

卷四

九

走事良憤日分五十青銅錢夫頭月給銀兩半前
擡官府經淮南出無一月錢滿串北關租草屋費
我三百文勉強取隣女約略囊橐營衣裙出門日
無幾聞說家遭水妻在水聲中宛轉隨波死所住
一間半至今在泥裏昨日縣帖下說道官今來驛
吏備馬匹縣吏呼輿擡一班十二人聚集相儕排
平日喫公食如何臨事逃官差天明發銅山午至
桃山驛不道五十里里里泥深沒腰膝足下著菲
登頓滑赤腳肉痛畏傾仄泥深尚可休觸石泥深

沒我身觸石傷我骨骨傷思平那可獲父母生我
骨與肉如何狠籍任瓦礫前日擡官來聽道往江
西彼時雨雖落大道猶平夷今日擡官去言往江
南潞那知步步難舉動皆辛楚回首我家亦何許
我足如刺良復苦應官我足無完膚退役無錢我
腹何由果不怨行路難但願蒼天莫下連宵雨此
去新豐鋪道里尙三十官路一尺泥一尺泥中有
石腳難入欲歸不能行不得與人爾勿哭爾不見
頽雲壓首沉西北大如山色如墨電光閃爍射汝

孔亟殷殷震雷在汝脊

符離

天漏憑誰補傷心更此都奔濤動樓櫓大漠半江湖
獨客側身久寒空淡照無雨師吾語汝飄泊滿
征途

早赴滁州道上作

露下野色清寒山淡方曙我途入重岡空林散殘
霧稍稍朝旭上習習晨飈度時見巖際雲或被煙
中路霜徑屢曲盤槿籬自交互村邇睠已在塗廻

辨斯誤纖翠遠樹沉薄彩鮮霞附空碧媚杳靄川
原紛散布舒眺瞻清流興徒指歸鷺

清流關

朝食大柳驛午過清流關絕壁亘積鐵磴道何曲
盤重門構山椒危閣凌層巒入覺觀聽失出訝人
世寬迴首望閭闔咄哉不可攀萬木鳴天風颯颯
空山寒澗響琴筑集崖怪刀槩攢砂石白皚皚檜
栢青九九崩岫藤葛絡孤篠雲物環驚輪叫石齒
疲馬貪深湍陟險氣每攝攬勝神屢殫緬懷藝祖

烈駐馬歌桓桓

臨江樓

亦知非故土扶杖且登樓落日萬古色長江千里
秋浮雲蔽吳楚朔氣老邊幽牛馬吾何敢憑欄起
暮愁

樓中晚眺

薄暮登崇樓曠望招天風煙江靜暝色坐聽江南
鐘白日半欲下殷雷胡鼙鼙倏忽雲氣上乍失鍾
阜容稍辨幕府山變滅餘微縱懸知淮上舟秋雨

鳴孤篷西眄何迢迢餘霞映澄空晴光媚孤嶼遠
影兼飛鴻咫尺異明晦感懷今昔同

短歌行試院中秋與王芥子薩原菴飲酒作
君出瑪璃之盤玻瓈斗我歌短歌侑君酒君非主
者我非賓明月於人不可負庚午之歲使桂林伏
波巖下余行吟蠻煙瘴霧發孤嘯山月肅肅鳴饑
禽前年此節讌伊闕漁火金罇坐寒月就中去歲
不可道荒郊夜哭霜林槁今夕何夕大江滸滅燭
開筵夜擊鼓明月照我亦照汝世間何地非行旅

但須盡此杯中歡不須對酒懷鄉關我歌短歌意
非瑣君不見東西南北三年我

趙文敏天山射獵圖爲曹來殷作

生不識醫無閭夢不到狼居胥壯哉此樂吾不圖

非苗非獮非春蒐

用桓元事

祁連水草枯畢辜黃沙獵

獵彫夫須鵝毛亂點山模糊雄狐跳梁招短狐黃

羊觸突黃蒿居粉蕒繡經鈴獬獬後有從者麕麕

麕麕麕麕麕朋相呼蹙兔入窟追獬獬犇眾卻走

狼跋胡鵠鵠鵠鵠驚紅錦襦有鶯其羽走者豬陸原

絡澤山作郭毛羣合選供翦屠帷車幔蓋嗟非夫
其來者誰形睢盱斑襴纓帽黃短鬚綠睛鶻突不
可摹繡旆雙揭紛前驅峰盤逕轉有人無孤塗葉
護擎高旗黑貂繁飾花襜褕爛熳辮髮編羊珠虎
皮綵繚韉不絢忘歸右插左控弧九花朝秣貪龍
芻脫柑嚼嚙驕不舒蕃奴周擁何紛拏九區騰蹴
馳滿隅如拘如怒相友干一一健者非白徒曼胡
颯纒紆丹朱右肱左啟張兩孟按節弗假金罇釵
翻身盤馬各騁殊張皇不暇成圈模紅腥血洗金

鏌鋌飛者走者殪者徂提肩電掃風翻蒲鹽腦啐
血潛嗜膚獫狁鷹背氣猛麤重鍛掣斷風頭趨扼
喉折頰如摧枯投置觸矢號呀吁鷹遮犬喉拋其
孥肩鷹挂兔歡極娛血甜如露毛可茹六甲無事
張行厨雪清白酪羊凝酥醺漿一氣翻百觚酒酣
逕倒剗賓璚王孫點筆哀哉疎過江白雁啼西烏
山川灑淚愁吳姝冬青夢冷秋風蕪蠶絲煙篆炳
不渝作詩一笑飛急符壯心直過崑崙墟

大谷山堂集卷四